陸

堂

詩

學

其易齊魯韓 踵 恆 亘 是詩之 也朱子序呂成公讀詩記 百 輔 為之 眀 700 萬 嗣 經 而 一家皆名其 師 辩 言 면 Acres of the said of 荣 出 逐 授 敝 說 與 経學之 獨為 受之 魏 書舉機 毛 故 詩 毛 與戴記 排 胓 傳 斥 與施 有 歴 牋 與 漢唐 魏 曰 唐 與 則 自 梁丘並 也朱 俪 西 有 易註 區域 疏義 晋 左 澌 氏 巴 国

各 海導之二 羆 致 戾 聚 使 有司之程 訟分爭 工其宿 岳之 循 廽 出 躔 閒 緯 鹏 駭 留 地 森 者 傳 视 伏 唐 而 驚聽 見簽 使逆 諸 易之 學詩 疑 行者當其爭 五 有賦 若 經 無常 在 鞭 眀 天 石 推 步之 秿 而 稍 救 使 猶 ~ 経

其囿 成 稱 敢 試 陷 赵 帖 諸 隅 言 経之 氏 而 註 賢 疏 闢 拘 詺 畦 集 姐 制 経學 亦 問 经 傳 朱 者 曲 莪 田丁 經 オミ 疑 之 也 経 而 相 學多所 為 経學 開 經 又 彭 旭 益霄沒是 旨 lar 述 奥 眀 緝 彂 敢 程 眀 呂 家 眀 雕 也 故 崔 詩 讀 近 也 而 大 解 時 鐘 全 帖 經 日 學 記 錮 歐陽 眄 經 皆卓 **>** 之 兩 可 毛 盛 経 宋 チ灌

区, 數 畆 湏 百 去 秊 四 陸 為 証 諸 餘 吾友 詩 年 書 者報 詩 談經 未 各 融 述 兩 出 不 致 之 名 相 宋 湖 前 亭 通 陸 而 惜 其 申 不 君 儒 與 持 聚 毛 匹義 為 公 岘 平 維 自 則 略 頏 亭 陸 相 腥 普

璣 殆 而 則 衡 有 與 女口 該 之 邢 宋 器 天 者経止 研 禹 犯印 與 貢 2 學 王 諸 會 有 山 冷 経 毛 有 生 養儒 海 漢 旁 集 朱 經 和 南 世 其 倄 及 北 経 朝 大 師 萬 成 珂 客 者 百 榧 亚 魠 後 有 业 言 功 神

即 誆 室 凯 考 合 鄭 貶 周 氏 召 詩 平 钧 譜歸 岐 班 時匹 地 鄘 代雅 統 其 地 不 獨 魏 出 ソス 檜 歐 王 風 為

非 自 司馬子長 魯史 宣 絶 出 自 王之 出車之 少史 述 謂 節 衝 觀 南 宗 氏 而 未曾目 檜 周 即 南 即常武之 山之 魏二 隱 女以 /家父 首 城年 風 覩 乳子 全 ~ 四 詩 南 即 古 月 第 逸 仲 援 春 据 2 斷 可 知為 毛 他冊 渫

嗧 縣 而 則 目 两 合之 四 射 里 甌 史 惟 臨 刖 姬 冬與 記羊 黄 觸 為哀 類 **₹** 昴 揚 以實之 淋 歸 Ł 即 括 劉 皇 為 為 餘 留 幾 欄 証 旁 秋 史 引 括 射 引 籍 通 律 引 書 猶 曲 蘚 虢 太 扎 腕 解 即 ジ 至 轉 魚

通 狗 授 何在埃 而 置 之 糸 頿 詼 卷 大見吾訂 具 开 陸 陸十 王詩竹怒發輔學埃論明 發 誤 者 學 通 自 15 経義 五 儀則 退

之命義可也吳江同學弟張尚瑗拜誤股膺之意第較諸制舉業之言詩者猶知有毛詩

詩學凡十二卷成於壬辰十月讀詩總論四十五則作於癸 語 乎蓋聲解相雜歌詩之體固然漢鏡歌之妃呼稀收中吾 多而其可轉忌兮可轉矣如可通而寧可通何二字則只且 也問禮大司樂之職以樂語教國子與道諷誦言語所謂樂 **紋詩三百之語別有會心夫今之誦詩者非猶古之誦詩者** 也且乎而三字則何為乎已焉哉四字則謂之何哉夏其然 巳十月藁凡三易藏諸篋笥自謂不能踵武宋儒若元明已 歌必有賸字餘音如言思之兮之屬自編詩至陳靈方言愈 下說詩者則未敢多讓焉臘月十三夜偶憶古人歌詩三百 即今所傳關雖鹿鳴文王清廟諸詩也所謂諷誦即歌也 派魏晉而降知音者少無怪鐸舞中舞二詩求其句

詩之體不無小異且其數亦烏能適均人聲多至一萬七五 **鄘桑中鄭溱洧陳月出之** 而比之琴瑟二雅美刺之作有不如國風之便干經者由是 妙于言詩雄雉之不忮不求可美季路蔓草之有美一人可 詩循存邶北門魏伐檀之 二十四竹聲所不能和 而竟不可得矣經詩即在三百中章可分解句可省字與歌 不勞肆習也而秦火之後 之王黍離本自成風非降之也齊雞鳴晉蟋蟀之類國初 有時不合舉可掩卷而悟其所以然不特此也洙泗之 何 必視作者大旨以為去取先後 毛公備其數不無小差詩序釋 類七國亦有詩以其久托于音也 類淫詩选見伶人自尚新聲孔 况終聲故詩三百五篇皆可歌也 門

夫詩所施用之處掌在太師孔子雖聖亦必問而後知學而 語多枝葉以其勞我精神姑 謂孔子雅言詩可也謂孔子正詩以正樂可也不必惘惘鑿 辨久之終無由默幹夫 解患者嗟夫讀聖人之經 之提命無幾確乎有其見馬今者余識稍進轉覺從前說詩 則微言絕而大義乖所當厲聲疾呼斷斷馬與天下 能特其聲入心通于師擊琴襄所傳自有窮神盡變者 而曰孔子删詩即謂孔子於詩删其繁複零亂者猶之可 如遷史之十詩汰九服鄭諸儒之 則雖零章隻句而有 一原所在也 即如 無窮之義焉至若粒歌之法與 身游聖人之門墻心領聖 之家塾使知窮經之道非)雖然不宗孔孟之傳 降王進魯種 種 辨訛 恆

五十三年歲次甲午孟春朔三日平湖後學陸奎勲自序天地之元音不難近取諸身也是以有古樂發微一書康熙書文義音節兩不相離人謂古樂失傳不知唇齒喉舌具而守毛鄭之學極詩之用不過三百而止是以有會詩補七一 一時官計學自片

聖人 謂孔子無刑詩事世必有聞而駭者然非余臆說也領達聖 雅言之敘以詩為首舉其數曰三百揭其要曰思無邪備著 **迹朱子亦云當史官收詩時已各有編次但當孔子時已經** 謂詩繁自魯史雖余創論實本大序所云國史明乎得失之 多詩夫子不曾删太往往只是利定而已 其功用曰興觀羣怨事父事君多識鳥獸州木其散見於孝 經戴記諸子百家者不可殫述能知聖人言詩之妙雖廢史 刑詩之說可也 執筆刑存答潘氏時舉云人言夫子刑詩看來採得許 後 州九存 讀詩總論四十五則 當以為疑朱子答葉氏質孫云那曾得見

大哉之堯無為之舜無間之禹皆因讀書而發此歎即春 人之類易從無異論馬遷作世家既云刑詩孔安國書序亦 散失故重新整理一番未見得删與不删 西河端木許以言詩既在七十之列誰非身通六藝者史遷 信積重難反言之慨然 無二日土無二王取妻不取同姓皆是也舉以示人 之以防要君晉文之譎而不正檀弓之卿卒不繹坊記之天 之作亦于史文外別自有義不獨左傳可徵 秦人焚書大易獨免故自漢迄今縱有窟入失次者而于聖 云芟夷翦裁竊謂聖人之雅言詩書猶贊易耳魯論中如稱 傳於于貢云亂齊殭晉破吳覇越誠屬可疑若傳子夏 如魯論城武

鄭之學所從出也然釋即之憂心悄悄以為孔子縣之不順 孟子說詩以意逆志又云誦詩讀書不可不知人論世此毛 史記有害於詩者如以文王為稱王周公攝天子位宋襄公 作商頌則全詩之義失謂衛武殺其兄共伯陳作厲公混為 子夏言詩以松高維微生甫及由為文武之德江漢之矢其 **厥問以為文王** 文德協此四國為太王之德舉此印彼先後一揆 漏 幸而其文淺陋不能感世愚民 知為漢後之書四明豐氏假魯詩說之餘刊行子貢詩傳 傳小序實非出自西河觀魏風節風一無援据 悟已足見其長於詩矣司馬索隱譏其多所 Late Land Late Comment 斷章取義仍體源於珠四戴記孔子開居與

诸詩决非變雅敬之 世明言古甫方叔江漢明言召虎常武明云南仲皇父程 獲再親全詩如魯齊韓氏無七月一篇點風義更難通彼都 多聞關疑莫如毛氏故訓傳第所重不在此微毛氏後人不 **休父乃周本紀于宣王十二年前不錄一事意馬遷當日未** 毛詩尚多錯簡如草蟲之先采蘋鴻鳩之後蜉蝣候人楚茨 金鑄余謂毛詩可與差肩二戴記禮瞠乎後矣 正吾不知其何心 見全詩故疎脫至是為毛學者既識為宣雅矣仍云變而不 士無首章何由辨其為雅谷人云伏生之今文尚書功宜 人稷羿生於巨跡燕卯則 因信言唱為前 小歩體不類頌後人 詩之旨能最可異者六月采 、能辨正之 斯有功 伯

申公無說矣 道之君未嘗不流涕為王淡陳之也可見魯詩之體亦主知 於毛氏若云百無一差强為之辭即毛氏何貴有此伎臣 東都鐵緯其先亡宜也宋建炎中董迫作廣川詩故自謂家 齊詩以匡衡為最故得解頤之稱翼奉所云五際之要已開 是乎盛班固藝文志云三家中魯最為近余觀王式爲昌品 **隋經籍志云齊詩魏代已亡魯詩亡於西晉韓詩雖存無傳** 人論世今所行申培詩說乃明陋儒所為且不知漢史所云 之者以余考之申公有詁訓無傳義章賢父子作相魯詩於 至於忠臣孝子之篇未當不爲王反覆誦之也至於危亡失 師治事使者責無諫書式云臣以詩三百五篇朝夕授王 **陸堂詩楽總論** 7

當更精純乃以專崇毛鄭之故遂至堙沒失傳唐宋儒者不 為文王朱子集傳弗如而君子好仇施于中谷之失解亦不 笺之力也藉使得與蘭臺校書之列盡觀東觀仁壽閣所藏 有指摘非敢獲罪先儒也按康成註禮時未見毛詩其從學 **替人句云讀詩未到康成處不敢髙聲論聖賢余于鄭箋小** 藏齊詩六卷目雖未經可斷其偽 馬融者豈曰心欽其品將以讀未見書耳毛詩大行于世鄭 無過焉近代引經率以薛君章句為韓詩太傅之不幸也 多瑕少文亦清剛可誦漢人著作存者寥寥是可實也內傳 斷章取義韓嬰獨得其傳今閱外傳十卷雖非原書大旨瑜 其所著述當必人醇然關雎分五章實勝毛傳楊木指君子

孔氏正義允稱毛鄭功臣法度名物博考靡遺宋自元豐後 抑毁棄之有素也 書具備至宋藝志而六朝義疏無 道東矣按唐崇文總目如崔靈恩之集註孫毓之同異評其 至梁武父子毛學益尊由其工詩故爾篤好然風猶近之 鄭氏詩譜一見于孔氏正義再見于歐陽鄭譜補亡歐陽得 毛詩既行而建安黃初詩家各自有體晉尚清言先韓後毛 好作偽書竊疑鄭譜亦屬嫁名孔氏歐陽均爲所惑 **菲能以一人之智馨其底蘊** 絳州者或云係太叔裘註本按隋經籍志有劉炫註本炫 為之諱嗟乎有子邕之駁鄭即有伯與之駁王經義無窮 存者果兵燹之使然歌 雅

舉般 安石新經有意與先儒立異則大本已失子雱壻卞牵合字 成伯瑜毛詩指說竟無可採所撰毛詩斷章取春秋賦詩斷 昌黎謂序有可疑者三歐陽永叔承韓學者乃著時世本末 章之義心欲覽之而又不傳 按唐書領達字仲達考昭陵陪葬碑刻本字冲遠亥豕訛傳 明乃經師門徒往往厭其煩贖庋閣不觀有志者當不如是 宜平改正 察而不行通來功令于朱子 焦傅外兼取 疏義詩學可以大 有未安然能不受前賢牢籠濟發後學靈府斯又集傳之先 一論以廣其說統觀本義其駁難毛鄭處言之整整已說問 陸堂詩學統治 推崇而循諷旣久昭然發矇竊謂敦詩之家非徧觀漢後 鄭漁仲學識博奧而專詆小序陳少南議論名通而欲廢 補傳王氏總聞則優耳不如李黃集解之詳可備考 太過其高超處不減明道先生精實處可亞朱子集傳惜 須竊以為從事風雅無庸先立愛 子集諸儒之大成詩傳亦然今者家經戸誦固無待末 川云學詩而不分六義豈能知 公劉以下纂錄未竟然在孔疏後已為必不可廢之書 知詩言詩之道探其原矣 濱詩傳先儒以為簡直而識固方隅較之放齊詩說逸齊 整而且瑣更無足譏 詩之體橫渠云置心平易 僧吕東萊讀詩記雖尊序 魯

之短又八年爲紹熙庚戌題漳州所刊四經後直云衞宏作于壬寅歲序東萊讀詩記已云小序可疑且不自諱其舊說 朱子詩傳原序作于淳熙四年丁酉其時專依序說解詩後 朱子自云於說詩所得者少又云詩傳無復遺恨後世若有 馬貴與都京山之徒反以改序為譏試觀集傳中序不必是 毛詩序懼後人之滋感也蓋泥一家而失其本旨不若集諸 語錄前後諸說終無由心幹其妙 子雲必好之矣前一條虚裏若谷之心後一條則明道立 不得不以自任也 而正其大義朱子闡明經學為能給述孔孟者政在乎此 知集傳之妙即專讀集傳而不編覽朱子文集詩序辨

說律以毛鄭之學不無抵 悟若依孔孟斷章之義借以覺世 祭之以孔聲之藏又二十 有五篇然其亡失終不可復見者 朱子云文王未嘗稱王康 王已下有頌風雅正變之說古 疑出奇無窮其毛詩辨云書授于伏生之口止二十有八篇 宵 輔潛溪童子問謹守詩說 王魯齊得朱子三傳之學所撰詩 坊民則亦無不可也使韓 詩內傳猶存議者當廢然返矣 錯脫鄭氏詩譜時世多訛真令千古稱詩者撥雲霧而見青 明文節南山正月諸詩或 疑作于東遷以後楚淡十詩明 義猶 有四十餘篇其存者且 可通者曷當不降 でこれていることの 不勝其錯亂訛好為萬世之演恨 從之弟淫奔諸什多用夾祭新

書家徒載其目 舊無一 成書易則董楷董鼎董具卿詩則劉瑾書則陳樂春秋則汪 足怪矣詩故疑問之類採摘一二恐其繁稱無當不復肆力 續孤樹哀談云明永樂間 胡廣等撰五經大全皆鈔錄前人 禮梁友直詩傳旁通史稱其發揮朱子之學為精而購之藏 白雲許氏名物鈔在元傑出熊天慵經說可觀詩學不如三 此吾斯之未能信閥此一 條不得不歎為稽古卓識 克寬經學難通奉詔且然 缝掖之士童習之而白首紛如無 之的遭焚禁之大禍而三百篇之目宛然如周孔二聖人之 今不知詩之為經藏于何 所乃如是之秘傳于何人乃如是 一篇之七一章之失詩書同禍而存亡之異遼絕乃如

搜羅 說是也史遷孔子世家以 詩序以風二雅及頌為 竭其區區之愚而已 諸經子史騷賦亦間有所 子集傳而鄭孔歐呂諸 余為是書雖主毛詩而魯齊韓之幸存者未嘗不採雖宗朱 大雅始清廟為領始說 朝三唐之作即求為之通貫材薄而緒多豈必皆當要以 節義猶可通又以關雎鹿鳴為刺詩則視國史編 · 詩書其失也蔽鄭譜以鹿鳴為文王詩直以詩 Later Later and Control 四始箋云始者王道與衰之所由 稍偏矣你觀三禮左國合于行禮 關雖為風始鹿鳴為小雅始文 發明雖說商周二代詩而于漢魏 說不敢不來雖專以說詩而

也嘉 取義惟其協六律故不得 以賦比與為三經風雅 厅以風賦比與雅頌為 未合雅 義者也三經中莫妙於 以六德為之本以六律為之音惟其主六德故可以斷章 兼音節者也三緯中以 失也 本其失也借況歷樞云大明在亥水始也四牡在寅木始 魚在已火始也鴻雁在申金始也 誕 也 說其疑不可 門首部門科 六義据周禮太師之 為三 雅為主蕭梁樂章雖有十二 與魏晉詩不逮漢由與少也風 重文義而遺音節朱子申明序義 **破讀江漢汝墳行露野麕** 練問當推行是說賦比 假 29 教祗稱六詩 始而變詩為緯 AND THE PROPERTY OF 雅 典

讀振為有客把宋皆有頌且 詩兆 轉為誦美之誦是風雅旣兼 爱刺若云淫者必然自諱何以有求凰之旅奔者未必能詩 頗自病其煩矣 有風讀常棣雖周公作亦為 變雅讀節南山苑柳諸詩平桓 亦有變風讀淇澳蟋蟀列國 亦有變小雅讀抑戒平王且 何以有白頭之吟 刺也國風多刺淫者苦葉鶉奔之屬即朱子不得不以 體導揚盛治而亂即 之孝失解郁柏舟而人表列之下下以曹大夫之忠 有變大雅讀駉馬魯莊亦有頌 亦有正風讀河廣敞符宋魯亦 正變領亦可云正變也然而 問之頌本同客禮之容魯之 可憫也推美聖哲而不肖者即 澒

詩名多取首句或撮篇中孔 疏詳言之矣舉篇名而可以不 板詩知共伯即為周定公鄭世家武公名掘突熊周以為突 書名謂堯典禹貢之類然則 失全旨者不遇巧言文王公 劉常武殷武鼓詩華黍由庚之 林尚多剩義以待後人關發 滑索隱疑其皆非讀丘中有麻知子國即為鄭武無衣之王 碩亦有快心處共和輔政共 伯于位千古傳疑讀白駒黃 局小序乃以题字立義夾漈 譏之良允如雨無正下武則漢 人傳寫或訛如節南山則漢人為之增字據周禮外史掌 **丁興師明屬襄王大東之西人之子實指褒女不意曩哲如** 傳俱沒其名而蜉蝣但云 刺奢此說詩而槪馬三歎者也 國史編詩亦但有關雖萬重

如 失其真詳見余大 有原本西 傳釋每句之文義則 人哀之為之賦黄鳥許穆夫人作 所題據左氏春秋衛人所為賦碩人也 時未有序名 章毛既仿古而為故訓豈其獨闕於 滕餘詩則無 权孫豹之於皇華叔 小旻之 已因名生序相 河者要 即傳之名亦起漢代故釋 類 Maria Sandara 題見其為編詩者所題 小序辨 不 च 過十之二三矣衛 謂之故 陽 徴 者五子之 向之於昊天有成命成轉之於皇矣 兩塵 訓春秋説 此中源秀一不可不察 載 歌讀為首亦可 馳 傳義雖美 詩者亦多用故 全詩之大義則謂 其體雖似小序而當 宏改傳為毛詩序 鄭人為之賦清人 鴻鴞公所自名專 係趙人或 知為 訓 國 國

铁 經注 志皆仿 董子云詩 天事難言 論次焉 以行禮 射節三禮 王賜 界余欲世之讀詩者不出戶而知天 劉之由於 مر 所 國 桁 如 風 νX 記 獨為 闖 體為之然自漢迄今疆域有 報祭執競獻 非 有明文者更無勞余贅 LL 専 川 辨 雕 賜 鵲巢之 谿谷禽獸草木故長 郊惠公請郊而 可信也宋王伯厚為詩 門弟誌其 施 尸勺詩 於 畧 鄉 非請 飲燕 裸獻 射 於 而 配 下故於名山大 風後 更 地理考足補集 文 辟 采蘩釆蘱 雅之非 明堂 山 正干古之說不 之 川 無改此 地 一即為大 取場環 理 郡 水國 禘 水

毎 誦詩叶韻乃能感發志意朱子集傳 設 吹律徒欲偏 后夔之 際之説於桃 有所增益再親楚解辨證 業六句叶瞽字惶惶 何補於事 句 用樂之 隔 和聲旋 叶鴻飛遵渚公歸無 说 笙 所 天鵲巢楚茨 匪 , 勢塤土之八音仿特鐘編簫之古式珠源 風飄分一 愧者三分損益 相為宮知京房改準之安而不能改師曠 豳風不信康成 厥聲五句叶庭字子美亡此 章平上 可以得其大 椅 所 那并不信 兩字 知漢史截管之泥 隔 多用吳才老補 於南 概體之變者 叶有瞽起二句分 戴記當祭無樂婚 **陔六笙詩不** 惟清廟詩巧 而不 誰與 如雖 韻或 能 韻 自. 為

亦 錄 亦 公各し 詠後 不能 謂古人歌法失傳留心韻學亦可漸悟天地元音朱子語 兩得矣昔人所供 意温厚寬 有云宫商角徵 重處後人定不要一 自有宮商 輕章句之學余謂説詩當從章句始章句明而文義音 辨韻之訣 來一向於字韻上嚴切却無意思如唐人和詩猶 記云清廟之瑟 和道得言語自恁地好當時叶韻只是要便於 問領之章分數節誠為振古絕識後學得以 可以 角徴 羽固是就喉舌唇齒上分不知喉舌唇齒 羽何者益自有箇疾徐高 知作詩之本 傳從而更定者如簡兮伐木行革 字 相 同却愈壞了詩觀此二條 唱而三歎未 有定 下又云古 解 後有

猇 余説 願 爾 我牀 集傳所缺閒 雅後 者此 獸草 不敢襲前人牙慧 四句又若幽風五月斯螽動股六 書禮春 經 立言太腐 漢匡 類是也 木詩人绪餘 下皆當於月字讀斷所 證馬若 農師復作埤 秋務從 衡後宋范處 有補級若 開者 購え 簡嚴於詩 孔 不終卷而 趾 雅 氏正義援 振 義 雕 而 振 有 鳩之情擊有 家元恪 班 稍 欲 引甚 队也先 頋 雜 子 諧 新 之 儒正 月亦 振 毛 1詩 儒 别将藻之芳浓可 其大者 雖朱子不 將 雞 元 麟當 朱 云已有知使 删之 **死至今流傳故** 振 休爺 羽 矣後念詩 齌 猶或遺其 有 斯許 詩 加 解

	康熙癸巳陽月望日陸堂奎勲書 新紀 同校————————————————————————————————————	Transfer of the second
--	---	---

桃天三則	金 斯三则	松木三则	卷耳五则	為平五則	間唯九则	周南排	風弾	大小序辨	游	陸堂詩學卷第一目録
			يد مدين							

行家五列	甘柴三则	采頭三則	华森心山	来繁三 则	楊泉三則	造忍南二则	群趾四则	汝	ध्य	鬼五三双	3

P +1	陸堂詩學卷第一目録外		古二南後	殿侯五州	何彼很矣九則	野有死傷二則	小星江有犯共八則	: - -	於其圖三則	a:
F										

7

;

陸堂詩學卷第 當考書緯所載孔子求得黃帝玄孫帝魁之書迄秦穆公凡 擊見之之言而皆未覈其實唐孔穎達疑聖人於詩不容十 關睢既亂師擊修之隋經籍志襲用其說此亦原本史遷師 孔子刪詩詳見司馬遷世家漢儒莫敢異論晉司馬彪乃云 君而取一詩者由是而觀何啻三千余謂歐陽之說辨矣額 刪其九歐陽詩本義曲護遷說謂以鄭譜推之有更一二十 三千三百三十篇乃刪存百篇為尚書十八篇為中候則史 逐所云古詩三千與書緯正復相類烏可据為定論與歐陽 平湖陸奎勳聚綠著 删詩論 受業母朱未隸益全校

氏言豈聖人於詩不視其本篇之文義體裁音節而反從序 其軼而不錄者必其序說無傳旨意難考而不欲臆說如馬 害於義馬端臨云詩之見錄者必其序說明白而旨意可考 又云或篇刪其章或章刪其句或句刪其字如唐棣之華本 說為去取乎然宋人之失易於駁正吾所駭者漢魏六朝轉 變風思周公以反正王通之曲說也皆無其事而強屬之 事謂之變風變雅一謬也錄魯之頌同於王者之後又一 也降黍離為國風齊王德於那君范霸之妄談也以遇風終 相沿襲不知其說有何可取廼避不敢攻甚且為之掘沒楊 鄭譜之說曰孔子錄懿王夷王時詩記於陳靈公淫亂之 小雅常棣篇君子偕老章向有衣錦尚綱句是皆穿鑿而 謬

者庸知曾史所緊聖人固不得任心更置與魯論云師擊之 作也拘儒 自 吉甫史籕之屬皆大雅材不特王案中與詩篇亦於馬大備 種立異乃成其為旋乾轉坤之作而非僅屑屑爲保殘守匱 孔子雅言必據魯詩舊本而成於史克之手者則於鄭素有 禮樂而敦詩書楚莊王使士聖傅太子箴申叔時曰教之詩 風陳靈以後無詩而信其然不徒以闕宮新廟顯爲頌僖 初 可讀不得以季札觀樂師乙論 為之道廣顯德以耀明其志明乎孔子以前晉楚皆有詩 者夫周公制作已備六詩康昭而下隨時增益至宣王 驪山禍作周室東遷乃多散佚然趙衰之薦卻毅者曰 說詩謂與春秋同例聖 歌指為魯國所獨矣然余調 人貶周進魯傷變救正種 而 而

朝會燕饗則非孔子所云得所矣一在篇次之不亂魯詩流 今考鄉飲酒禮升歌三終笙入三終間歌三終合樂三**終孔** 傳自成襄迄昭定多歷年所其間錯簡勢不能不親加釐 其於義無取客出以雍徹以振羽在大饗又以爲中禮可見 **逮也兩君相見升歌清廟孔子以為示德三家歌雅以徹畿** 當不以之自任也余調得所有二義一在施用之不惜然而 聖人於詩多所論正而不膠於一令說必謂頌屬宗廟雅屬 不拜歌鹿鳴三詩三拜雅有大小魯鄉固能辨之晉人所不 孔子無制作之權辨論焉而已叔孫豹使晉工歌文王之三 得其所是則審音之精可以歸功師擊而正詩之事聖人未 始關睢之亂洋洋盈耳又曰吾自衛反魯然後樂正雅頌各 陸堂詩學卷第十

子所數 曾 韶 與微獨七十子之徒比諸弦 茅鴟皆詩之有關於禮者何以棄而不錄且魯備四代樂 蘋秦先於山南陔三詩後於魚麗又非孔子所云得所矣若 首為諸侯射節其文見於戴 體裁不備猶必究論其義豈反删其全者有删則必有增 有商附五項於周魯之末乎故謂孔子正詩可也 謂孔子刑詩桑中秦有溫者 南巴下必當如季礼觀樂之序今閱毛 大夏掌在伶官豈以信而好古之聖聽其淪亡乃獨私 删詩此傳之者之 為和樂不流者 '妄也嗟 夫周初六詩之教至洙泗 與高堂生所傳儀禮相 記宋元公賦新宮叔孫豹使 循存豈反 歌心知其義即孟子七篇最 删其貞者素約唐棣 傳鄭笺草蟲先 調 合則自 子昔 於 誦 復

之易象象傳文言斜紛錯出乾坤乃岐為二體近人無論 皆秦火之咎哉大易固不經 知孔子之易并不知有朱子之易盖經學之荒無久矣 風混於雅雅混於頌甚而 寓目學者所為歎息 然亦有小序無大序也大序之稱原於皇甫鑑沈重而終 於蕭統之文選何言之漢執文志毛氏之學自謂子及 而隸而分愚者珠承魚烏虎之訛智者綜魯齊韓毛之 荀 而無序其謂之序者 卿著書循 小序辨 門子三百月 大角一 知詩 痛恨於 為中聲所止今乃於孔氏之 序先 劉向杜撫發其端而終成於衛 秦火者也繁傳說卦頗雜 秦火也雖然自竹而帛而紙 經以經合傳積漸使然 傳無 九 豊 自 師 典 從

皆無後按藝文志詩經二十八卷魯齊韓三家皆同毛詩獨 三十卷乃成自小毛公養者但養既為河間獻王博士泰之有傳別出一卷附尾今所存篇題及小序首句是也故訓之二十九卷毛詩故訓傳三十卷又在其外可知大毛公本 毛公先儒不應如近世詩傳詩說嫁名子貢中培以數世 為三調屬西河舊本則可耳若 元恪毛詩疏謂小商六傳而有魯國毛享是為大毛公享 經則於大毛之傳或有乘悟亦不能已於改定矣石林 謂古書未有無序者余謂周秦之書不聞有序孔子序 钴訓傳以授趙國毛丧是 即此三百五篇之詩而國風分為十五雅分為二乎 今、は、堂寺建立を育り 為小毛公釋文別作毛字於古 以傳習之傳轉為訓傳之 7 王博士泰校

韓詩所著詩題 魝 淮南子要畧亦在卷末惟劉 類 本出安國不得以 惜乎今皆失傳南豐所校特說苑之緒餘而於新序無涉 傅乃次卦之 為此 體於是特殊彼所著新序 宏於毛公何與焉宏當從 西京司馬遷史後作序楊 鄭氏謂毛公以於分寡篇首夫經 例書序既可先經詩序 シス 自文而 先後 文約義 誣孔了而 非序易之 鄭氏篤信之實 扶風 大台與雜卦傳等耳古文書序 度必有近綜泰漢遠覈詩書者 雄法言效之猶未難乎篇 向校書撮其古意標諸卷首 安國自序先儒并疑其文筆不 者奉為杜君 何獨不然又爾時犍為杜撫 杜林受古文尚書妄謂 則 傳錯綜馬歐之失故 改傳為序 乃東漢 F 世

引高 成丘紫 與魏文侯論樂其所引詩率與序說 通 若云作自子夏子夏論素 淇漁将 心句外 作毛詩序善得風雅之吉雖推 反從講師之固 將 遺秦火檜魏之 子彼 大車說本荀卿彼 引用北山不當如是大愚而孟子亦覺詞 曼卿欲 已自張漢幟 下詩皆為刺幽 而 故孔子許以言詩豈當其作序不學聖人之 與杜抗因之敷衍傳義改稱詩序范曄云宏 正正子生の一十二 君公臣民何以 乎戴禮載孔子問 不復匿 都 絢而 人士襲 作康 悟禮後循子貢論貧富 瑕 許太過 而 用 小 不 王周之令辟獨無 公孫尼子絲 無援据異 居 合且 雅 数與子夏稱詩 烏得湖斯言随造 多 刺宣 子夏紫 <u>5</u>. 於 衣靈 費又 列 ک 國 刺 通 酮 有 子 而 悟 憂 例

鄭氏詩箋今所稱大序者仍在關雅序內皇甫謐作三都 此其害義尤甚者若之何而 為西河之筆乎長孫無忌作隋經籍志雖謂詩序子夏所 不若 簡文湘東從而附和之牢不可破夫大序之言醇多疵少縱 序漫云子夏序詩一日風二日賦梁博士沈重乃謂大序 注二十二卷又卜商集序二卷則以歐陽之絕識而拾 顧尚有疑辭至歐陽修唐書藝文志首載韓詩卜商序韓 子夏作小序子夏毛公合作於是昭明文選直標子夏詩序 二公疑亦衛宏之所增益益猶未純乎毛氏之舊而可遠指 四始循是毛公之詁訓傳耳若風雅之有正變二南之分繁 小序之支離穿鑿然反覆鈴味言詩言風雅項言六義 刻畫漢儒唐突卜子也余又考 係 腻

言為要我於古人書先 龍 風之為義大矣哉易重異為風 **姓子立異也不揆諸道而欲盡反** 不言彼 何若缺心以寓意乎嗟夫儒者之 自辨 唾餘 可矣 纂成於衛宏由 摘盡致哉唐惟昌黎能疑 見昭明所選詩書二序皆屬廣門與其言之而買 後 **騒詮賦以及議** 國風辨 雖 悔之不 かんとうない とんじょう 可愛已昔劉總身為梁人所作 其中有卓 對書 不能剖判 記無體 真 古人或但堅持師說二 學格致為先格致之功 日 見故能言人所 随 贋 不論其源委而獨置 作於子夏宋惟考 風 則於異同得失之交 異君子 以申 言

厥後 事帝舜之命皇尚者曰 事繁一人之本謂之風言天下之 屬國史亦附錄之以昭烱鑒由 自 旣分域而二 脉源甚 雅亦 上 即詩 王澤既衰列侯失德詩人有 及下 至關雅雞鳴蟋蟀鴻鳩皆為刺詩愚謂義主風 有然者安得第以訓釋 序風以動之 王朝 則為風俗 諸侯者古詩即多 雅統言以為有廣 為雅侯國 四方 益 教以化之 周初六 為風 風 是 之義 事形四方之風調之 詩之所謂 所 康 夫屈教之 国 風 譏 風轉為誠而說經者 王罪公之命曰 别其義 刺如 哉序説云以一 也 火 新臺 權豈有不 而 風者其義 楢 冺 雄狐 可 則 雅 A 取 國 株 服 林 此

歌其意 一總房平宋程大昌著詩議十七 入歌 展風之 -盛諸侯無正風王道衰諸侯有變風其意葢以天子不 究然黍離兎爰也孰謂王朝例有雅無風哉釋文拘泥漢 衣者序說皆以為美則義 以二南為正風從 有雅而 而 出 蹝 四白為政家自為俗故縣斥為變風嗟乎王朝 尚書大傳真贋未足憑若箕子麥秀伯夷採養 一體而 刺太康 也 風 天子諸 南 列國又不得自有正 抑記幽十三國並變風而詩中若 而遠規問唐上尊皇祖其體固當入雅 風歌雖帝舜自作亦 1 侯均不得司風教之權 有不合孔 篇謂無國風之日夫詩之 疏 風 是 乃遷就其辭 可目為風五子之 (則六 詩 何其說 さ 中 淇 日

吾徒當奉以為著蔡其他紛紜同異之論如飄風鳥語過 别裁者矣朱子云風煎二義以象言則曰風以事言則曰教 如五際十占 不留可也 又云風雅頌之分皆以其篇章節奏之異而別之是二說者 其名豳岐先公所都是亦為國且六義四始詩之綱領非 樂韓宣聘鄭六卿賦詩不出鄭志其明後也即都亡 召以地言不以人言鄭譜亦知二南所編例同十三國 風見於周禮樂記風之分國以繁其來已久季札聘 以周召為地名在禹貢雅州岐山之陽矣乃因詩序有 周南 出自結書雜說而程氏縣斤為安未可稱善於 召南辨 人民生命題一名位 魯 國 風

名 封 出 受采當在武王時孔疏以樂記為證今 家周召分陝在成王時按魯世家周公不就封留佐武 保真之稱召公從采地而 布 大鉞召公真贊采其時已 自 周公繁之召公之說臆造故實謂 旦召公真采地施先公之教於己 外經 在代 兹者豈武王初克商康叔已封 馬融採披有失實者就所云五 周 南緊周公者其惧益亦有 召 商南還後矣或云周本紀 無明文縣之周原膴 一陸堂詩學教第一 稱 得 周召試 名 膴 非 成 Á 武 囚 古 職之 而分問公左召公右 所傳樂記與明堂 漢 觀紀中有云衛康 召之地反從二公得 耶愚謂公旦之 王克商祭社周公 儒謂文王已受命 公遷岐而已著矣 遷 國 豐以岐陽 按史記燕 稱 為 日 周 叔

其稱南 國。 由 稱 公始乃 詩 徐揚 南 史繁之此論 Ŧ いく 為 屬 有 例 如此 廿棠 南 者 當 說 公者關 修然 而詩與樂之源流實 樂 何也或据鼓鐘詩以 有 被 音 寥寥而 二詩 雅 化成 也 可施 無 雅葛軍卷耳用 一掠 '想其風化之 非 循 風 即令本所 Ŧ 如 於豳風不可施 故 厥考之美有是 可繁之召 一营洛後 强繁 序說之自 之周 存漢 不如是 東 之 雅 公周 射燕鄉飲 都 公 北 アス 廣 南 於 南 耐力 理 亦 Tij 文 周南 十一 南 春 乎或云 周 不 Ŧ 於 知 也愚調 秋傳見舞象劑 篇 其 國 **周南文德** 酒 於 周 當時所 制禮作樂 汝墳採 据 呂 公既 雍 氏春 州 也 採 没 通 而! 而

季乎至若 義讀詩者鳥 以二 武 舞 親 召 南 國 文 舞之 指 舞之分 風之各從其地 何彼 詩 則 入樂 周 云 £ 間 詩必在今本以 武 可 機矣世次尤後葢 必 無恙 詞 諸 舞 据 H 戴 與雅異其音故殊 者 習 康 文 禮 非 也 而 バ 爾象 Ŧ, 也 召 後 下 不 岐 쇰 礽 察 劉 伯 作 内然 文 管象 焢 周之 箾 也鼓鐘 沂 緊公矣或又云八 謂 南裔 羑 个 化 南 而 南 旣 削 象 與管 似 如 袻 孔 沂 没 於 疏云 之 削 周 綸 初 縪 詩者之命 枚 南 南 同以為 待 思 ク 籥必由 皆文王 雅 不 不在 詞 中 意益 稱 汉 象用 風寒 風 南 樂 周 名 由 相 孔 綇 承

樂 皆云申公有訪 子之傳 下屬之 安乃於周南緊周公之說沿襲而不覺其為夫所貴乎詩 而不溫哀而不傷以孔子而言關雅是魯詩之祖也漢書 說春秋者强屬之文王周南本文王詩也序詩者又移而 欽傳佩王晏鳴關睢剌之 馬遷云周道缺詩人本之衽席關雅作又曰周室衰而問 此其說至淺不足辨獨惜朱之儒者極言西伯 關 留王者之迹直欲以闡聖 抑亦反申公之舊矣 問公說經而經亡當仁不讓是後學之責也夫 雅九 訓無傳義然 則 臣蹟以為魯詩按史漢儒 則後之為會詩說者不惟失孔 人之心春王正 九 月本時 稱 王改元

色哀窈窕思賢才而無傷善之 **之善女** 韓詩章句然章句之去太傅遠矣試 按其實亦未然朱子於漢儒 睢 孔子語喟然嘆曰大哉 后著者也後漢明帝詔曰應門失守關睢剌 東萊呂氏讀詩記 本之太傅太傅何當不本之孔 兖 作 則傷始 淑 揚 宜 女君子好逑毛傳言后 雄云 為君 亂也馬楊 周康之 子之好 關雕 時 於詩原非專家其 闖 DE. 正風之 頌聲作 觀 雕 此 乃 獨 子 首魯齊韓三家乃以為 則序 心焉均非毛公本古而屬 妃 天地之基也則毛傳 巩 於下關 有關雅之 匡衡 觀韓詩外傳載子夏 所云憂在進賢不滛 之就 い為 睢 作 德是幽閒 世其語本 衡固學齊詩於 諷 於 刺 固 習治 何當 宜 貞 簳 剌 护 聞 靜 君

辭之機 好眾妾之怨者遂至左右友樂盡失其解真犯孟子以文 豐坊偽作 安增矣鄭氏箋詩其異毛者不過十之三四乃 義 倭一 据已得言其調 宜詩人未叙后妃之歸而遽言求女也其論 關 睢 且 泥 此衛宏 娶九女似不宜待后妃已歸乃為文王求妾媵也又 左氏怨 洲越流求本屬同韻求之不得一章情長節短末 有當從者 **贄詩傳謂文王之** 牙後慧也何所取而復襲之湛若水云古者 耦日仇語謂淑女指三夫人以下好逑謂 如此詩分五章章四句則 平緩而但舉荇菜不應 妃 奴氏思得淑女以共内 雎鸠尤合古人 睢鸠荇菜兩風 可以解 開章 願 害 職

審寐思服服音蒲北 詩令說作於王季舊宮人 琴始伏羲或云始神農未可臆斷据樂記舜作五絃之琴以 皆叠用四字絃歌者每字一 補傳畢公作關唯謂本之張 差章法 商楊雄琴清英調堯加 風 南 雞鳴相類寤寐反側琴瑟鐘鼓皆代寫文王憂樂之情 心曰穷美容曰窕見揚雄輔軒絕代語其詁訓 風 大口 以五 五小琴五兹中琴倍之 林本山日本 山村 大 **趁配宮商角** 切即康誥所云服念也與輾轉反側句 二紋 亦未為允此宮中女史所作與齊 超按後漢文苑傳不言超長於 以合君臣之思者非 徴 頓故節雖 羽至文王增二丝曰少宫 十絃大琴四倍之 短而音 + 仍 也陳陽樂 頗勝毛公 和

也呂氏春秋倕作鼙鼓鞀風俗通以鼓為春分之音似是 文子二書當以二十五絃為正世本倕作鐘說文秋分之音 谷中喻女之形體浸浸日長何其擇焉不精也 與朱子畧同鄭箋泥小序在父母家一語甚至以葛之延蔓 東萊云是詩皆述旣為后妃之事貴而勤儉乃為可稱其說 非當從唐樂志作冬至之音 十五粒 十絃樂書五十絃大瑟也二十五絃中瑟即頌瑟也五 深闢七絃之琴有害古制則愈舛矣世本云庖樣氏作 三絃其常用者十九絃其餘四絃謂之蕃蕃嬴也据莊 葛軍 小瑟也三禮圖云雅瑟長八尺一寸廣一尺八寸 . 五則 絃 而 瑟

澣 末章意重歸寧具見后妃德 今人猶古人也有 心者自悟之耳 余嘗病世之讀詩者文義之不 子始締周書葛以為君子朝 知 長城窟行末云上有 因葛單而言黃鳥賦 繁繁遠行不如歸皆換 雖 之清者與 漢 知亦女史所作 儉而亦致潔也害幹害否似乎促迫實則服豫 人猶解音節也 HART THE TAKE THE PERSON 然 加餐 則 亦 食 韻 闖 興馬 廷夏服則不止后妃自服矣 性言告言歸無專制也 兩叠以煞尾此詩正 雕 有長 知 亦瑟調之平者與卷 偶閱漢樂 何有於音節顧唇齒 服 相憶艷 之 無 斁 府 歌行末云石 据 瑟 月令孟 相 調 薄 彷髴 曲 耳其瑟 也 熟玩 喉舌 飲 夏 馬 渖

淑 也 節 曲 鐘 鄭康成王子雍謂 夫言豈 書此循媚人主也自呂雉 西狩獲麟何休指為漢高之祥光武好藏七經論語盡 佐君子求賢審官又何怪焉然余每歎漢儒 女好述尚為思賢共職之 則琴瑟專宣可也若云房中之詩則雖女史徒誦無不 蓉以駁之余調旣以樂言自當無偏八音若弟云房中歌 陳氏樂書据關雅鐘鼓樂之及周禮磬師教縵樂燕樂之 卷耳五 一端而已亦各有所當也 知有后妃不 則 在一个一个一个一个一个 房中之樂 有文王嗟乎曲學阿世豈獨 稱 說真彼周行依据左史 弦 歌 制而東朝無不干政者序說 周南召南而 不 說經多所 用鐘磬 則所云 成

皆是也而始自后妃篤念君子其義干古不刊 采采不盈掬悠悠懷所歡也陟彼崔鬼可云登高望遠我馬 毛傳於首二語云憂者之與也余謂全詩皆與非舖陳直 行役之詩夫風之為體懷人者多二南中汝墳草蟲殷其臨 役馬煩車殆也下二語乃抵言酌酒以解己之雜憂班娃 得云賦也米农耳而懷人屬后妃一邊即家士衡詩所 脫坑輕調后如諷其君子受養臣下偽魯詩說指為慰勞 何至虺喷而玄黄竊謂二三章雨地逆舉上二語言君子 人無外事求賢審官 人哉 羽觴分銷憂循此意也升卷統指君子未是末 八 產堂詩學卷第一 北非后 妃職歐陽子亦嘗辨之乃不

與之意取其蔓生說循可採若張氏謂泉耳釀酒所須則泥鄭夾深注爾雅調卷耳非養耳即卷菜葉如錢細蔓被地托 言外章法入妙深於詩者當必絕倒予言 美后妃之不嫉妬舊說皆然鄭箋南土調荆楊之域詩說詩 章專指行者不獨馬病僕人亦病而吁嗟而已之懷思見於 聖金聖大聖小聖水聖家農師三禮圖云兕觥受七升据許 慎五經異義則觥止受五升 阮諶禮圖云六聖受一斛据馮復京名物疏則聖止有五山 酌彼金罍而失詩之大旨 乃云南國諸侯歸心文王豈岐豐獨無南境乎玩其音節 櫻木三則

履禄 包舉在內即論編詩之體亦宜先美文王次及后 於君子然從東萊說意味較長而后妃之 覞 心对君 易云其君之 雅思齊篇 也用毛傳而義未足易云視履考祥福履二字殆樂括 臨祭之 夭鵲. 螽斯 爾指螽斯非獨 子為文 以為反 太 說文作藥調看花也 三則 姒 快左傳筮穆姜曰君其出 王東萊呂氏從之因 嗣被音 照集傳直指后妃或疑古 類益亦房 比 體宜然益子孫衆多較羣處和集 則百斯男序說更無可疑 中 歌曲 舉漢成之 也 乎君 來無此 於飛燕隋 妬 稱 妲 仍未嘗不 亦 稱 何 謂 疑

魯詩說謂鵲巢諸侯嫁女桃天仍美后妃終始婦道豈知 据首卿云霜降逆女氷泮殺止則自九月至二月皆可婚 簽斯即斯螽朱子語錄亦當言之釋云蝗屬一 合樂三終孔子時有行之者鵲巢之 集傳推美文王本諸大學是亦魯詩也詳見余魯詩補亡 原進一層 詩每章遇對以桃天對標梅斯得矣若舉以對鵲巢儀 非莎雞蟋蟀矣不知豳風傳中何以引用程氏一物異名 桃天三則 與關睢對待相承 也 生九十九子

先王制禮謂必若此乃無妨農事而非拘於除陽五行也 與伊尹負祖太公鼓刀皆出好事之口詩說襲用其意 於仲春其論未允桃天二語東萊謂因時物以起 夫人姜氏至自宿在秋九月王姬歸於齊書冬可知婚期定 娶其家貧乏者雖殺禮可也禮以不聘為奔故下文即云 禮媒氏仲春令會男女奔者不禁禮文之意謂是月促民嫁 其粹色得之 入幣純帛無過五兩而豈深奔之謂乎白虎通曰嫁娶以春 何也春天地始通陰陽交接之時也此亦鄭箋所本按春秋 于書文王舉聞天太顛於罝綱之中授之政而西土服此 **見**三則 Take to a sale of the sale of 與且

中人哉 朱子舊說云此文王時周人之 和好之朱子既依毛公善匹之訓兼用漢書董仲舒贊伊呂 **兎鼠為比集傳以為與是矣乃云雖且兎之野人而其才之** 韓詩序傷夫也劉向列女傳宋人之女嫁於蔡夫有惡疾其 乃聖人之耦以賞之說經之道固宜鎮密如是 公侯好仇鄭箋仍泥怨耦之言解為敵國有來侵伐者可使 以該之頓八紘以掩之也純屬與體干城腹心豈真雉兎 用猶如此則又未免似賦愚調上二語即曹植所云開天 客稱王之 茶宫四 一驗也 則 '詩極其尊稱不過日公侯亦

母將改嫁之終不聽而作芸首調芸首雖臭惡猶始於将采 有樛木之不嫉妬即有螽斯之多子孫有桃天之宜家室即 氏註燕禮其說亦然 王肅以關睢至荣首八篇為后妃房中之樂於古無徵余謂 有茶首之樂有子此編詩了義也偽傳以為關草見與兒童 '終於懷賴心浸以益親况於夫婦之道乎六朝皆主其說 所得采亦覺詞費試觀本篇薄言持之即可證為車前 肅引周書茶首如李出西戎王基駁云遠國異物非周婦 王則遠矣余故仍從毛義 睢應以麟趾鵲巣應以翳處二南之詩房中皆可歌誦鄭 峻辨命論冉耕歌其若皆是一 東 車 中 寺 歌 生 下 下 徴也然以為蔡人妻作去

隣矣 門外一首 是 分五五

漢廣汝墳共十一則

是亦發乎情止乎禮義也說詩者但當就此推想文王反身 女子好遊王政酷烈不謂之變風得乎不可求思父母孔 化服事之心必謂二南皆正風則固矣 **B**i

漢陽軍八江以余考之東漢水即禹貢幡家導漾東流為 漢水至恭州巴中縣入江出大安軍三泉縣調之東漢水至 按諸書皆言漢有二源黄氏日抄云出秦州天水縣謂之西 經漢中郡至大別入江西漢水鑿山數重達朝天衛下遊

放有東西之名易氏云江自歸州秭歸至鄂州武昌凡 同巴水東行入江別名嘉陵江以其同出幡家各自分流 閬

尤為侮慢聖人惟所引不可休思足正息字之訛 見不可求而得之則已近於屈原相君夫人之歌宋玉高唐 韓詩於漢廣最多謬說薛君章句游女謂漢神也言漢神 犯禮以求即在言下此詩與行露野屬選對讀者當悟之 四百餘里漢自 15荆州地江漢分流其間至是合流 子于歸言秣其馬歐陽本義云子之既出游 女賦矣外傳云孔子適楚處子佩瑱而浣使子貢三挑之 可求思直寫女子之貞而喬木起與江漢為比男之不敢 漢合流之處吾故曰漢廣採於荆詩人益因漢及江 其馬此悅慕之辭猶 均州武當至漢陽軍漢 古人言雖為執 鞭亦所忻墓焉也其 陽 王伯厚云作詩者 凡 而歸我則 四 也 百

嵩縣分水嶺非是志又云汝墳城在南陽府葉縣境内地道 地里志故云出南陽魯陽縣大盂山又云出弘農盧氏縣還 雖變而不失其正若作從旁效其殷勤佻達何啻鄭 西嶺下分流一水東逕堯山南為淮水一水東北出為汝水 末四語三章通用麟趾殷靁其體皆然益即漢魏曲後之 言林其馬正指嫁事而言詳味詩意益即犢沐雉飛之感故 之子于歸皇駁其馬左傳反馬杜註送女必留其送馬則 經注汝水西出魯陽縣大盂山西即盧氏界其水經堯 可方思方叶岡與廣字為間韻 山也王伯厚云魯陽今汝州魯山縣 變鄭笺而集傳亦承其悞愚謂于歸義同桃天据東山 統志源出河南 風

進具婦女之不如 獨與體 記汝南有陶丘鄉即詩所謂汝濆皆傳會不足憑而汝墳詩 華谷襲王氏說以親伐薪而斷為废人妻烏知遵汝二語本 父母孔遍余謂詩美文王一語便足後世頌德稱功連章勸 王室 薛君章句王室政教如烈火矣猶觸胃而仕者以父母甚廹 列女傳周南大夫妻作言婉而莊誠非大夫妻不能作也嚴 採自豫州固無疑也 機寒之憂為之禄仕後漢周磐誦此詩而就孝廉之舉若 子夏業已序詩漢人何為守此曲說 如燉段氏曰周民循知商之為王室文王之心可見矣 からない かけんけんない はべいない

す。可におるころスカシー

趾固闖雅之應而亦螽斯之推也予孫宗族皆仁 號 而召畢何所不該思齊篇云肆成人有德小子有造 別 惻 自武周

同 つ指 歸但雅則主賦風則主興耳

孔疏不知興義乃謂黄帝堯舜致麟文王時殷紂尚存四靈 瑞不能悉至較量辭貴漢章帝時麒麟五十一 見吾未信

或疑貞觀之政幾於三代之治伊川云關睢麟趾之意安在 歌中之麟難於人中之麟 可見周南為王化之基

詩比之琴瑟麟之趾振振猶夫螽斯羽詵詵兮當作章四

公羊云自陝而東者問公主之自陝而西者召公主之是序 說之所本也愚致諸經康王之誥太保率西方諸侯入應門 愚調分天下以為左右曰二伯語見王制王制本漢文時博 異姓太公受命專征則未知當時為東伯者太公與康权 水經注郡國志皆云周召分伯在漢弘農郡陝縣集古錄以 伯且營洛之初東伯已有其人召語云問公乃朝用書命 所作即以公羊為据而問公之為東伯於經實無明文也 殷侯甸男邦伯邦伯者方伯也在同姓康叔為諸侯長 伯當在三年東征與夫留後治洛之年而詩書皆稱公不 召公之為西伯不待讀廿宗詩其說信而有徵若問公之 讀召南 二則

當文王時即能為文日關國百里則文未免隣於操懿而 衷益詩已顯題 陜 公亦不過荀彧高柔之屬大非後學所敢安也据尚書傳史 周本紀文王伐崇作豐年已九十有六越明年而即薨 雍州之地未免不均夫漢儒當諸經煨爐之餘無從泰改 以岐地分賜即召公亦何暇為文施教而二書尚可不 兩不相入耳然以周召為二伯此循無害於義若謂召公 何怪其多所牵合今則六籍大備異同得失不難自我 州石柱為憑其言尤失實朱子嘗疑陝東地廣 君爽之篇乎惟文王尚克修和我有夏亦惟有若號 散宜生泰顛使召公當時業已受采施 一日による一日に大を白まり 為南而說者猶證以東西之說宜其如鑿 俠西 只關 信 何

采邑傅氏因云武王分陜之後徙於王屋郡國志注又云雅 余謂以召為郡從食邑而增也通典河南府王屋縣古召 周城南五十里括地志邵亭故城在岐州岐山縣西南十 都江漢詩錫山土田則王屋之采正石穆公虎所加錫者 召穆公采邑按宣王時申伯營謝仲山南食采於樊皆近東 經邵亭南世謂之樹亭川亭故召公之采邑京相璠曰亭在 額達正義云召是周內之別名其說無徵水經注雅水東 其職奕世丕顯則雖甘棠一 繆亦云甚矣召南且然况乎以周南繁周公哉 昭臣子讓善之義乃舉鵲巢十四篇統而繁之召公顛倒 語齒及也說詩者知文王以西伯終身化被南國召公能 THE RESERVE OF THE PARTY OF THE 一詩實美召公猶當繫諸文

今說但取性拙是有監於牝雞龍樣之祸而不知德功之餘鄭箋鳩有均壹之德劉勰雕龍亦云鴻鳩貞一故夫人象義 **鵲巢何彼穠矣孰非新婚之詩有詩無樂余未敢信** 容言並舒固不徒教之以拙也 此也孔氏雖引緯書頗得發與之義 詩推度災云鵲以復至之月始作室家鴻鳩因成事天性如 或說諸侯夫人勤於親蠶葢本七月毛傳輸以生蠶驗諸吾 婚禮不用樂幽陰之義也郊特牲云然按二南中關雅桃天 顛倒紛紜 鵲巢三則 繁三則

鄉未見以白萬覆蠶種也殖類有七繁與其中詩人偶舉以 儀禮工歌鹿鳴四生皇華間歌魚麗嘉魚南山有臺文義皆 此夫人承祭之樂歌何以用諸鄉飲酒射燕禮益歌詩必 祭祀為孝孝與貞婦德之大綱也曰儉曰動抑末矣 采繁采蘋皆與葛覃遥對葛覃以歸寧為孝采繁采蘋以奉 起興耳 用即降為士之射節亦無不可 云疑亦夫人所作篇中無以禮自防之意誠然但草蟲阜螽 小序大夫妻能以禮自防也草蟲與卷耳相對朱子詩序辨 合若合樂則改詩為譜不主文義而主音節故鄉國可以通 草蟲三則 seiten a literan ... A. Ar I. 類

後 禮篇中兩言陟彼南山與馬南之南有樛木雖屬與體而南 齊詩先采蘋而後草蟲見曹氏放齊詩說所當改正以合儀 採自豫州 說文親遇見也叠此一語益見久而遇暫也 陟山采織愚謂皆屬與體 也隱括此詩而首云濟澤濟水溢為滎澤鄭之滎陽也詩當 有齊季女四字通章歸宿如僧繇之盡龍點睛 左傳移叔日濟澤之阿行潦之蘋源寡諸宗室季蘭尸之 主地言不主音言亦可意會篇題既曰召南當次甘棠之 采頻三 八百堂前學卷等 則 敬

鄉色有紫樹決獄政事其下召公卒民人思其政懷紫樹不 思其人猶受其樹左氏說詩如是足矣史世家云召公巡行 以成婦順也然則莫於宗室牖下而季女尸之當美将嫁之 敢 女序云大夫妻能循法度雖据射義似亦未的 元城駁云是為墨子之道余謂思召公而假甘棠以立言是 室教以婦德婦言婦容婦功教成祭之牡用魚笔用蘋藻所 八詩之妙於與者甘紫尚不必泥何况樹下云云 '職當民蠶桑時故不入邑中舍於甘棠之下而聽斷焉 婚 伐作甘棠之詩王吉劉向皆學韓詩又從而甚之謂召公 義云古者婦人先嫁三月教之公宮祖廟已毀教之宗 甘棠三则

洛州壽安縣西北五里有棠在九曲城東阜上壽安今河南 九城志召伯甘棠樹在 信者此為周人美召伯之詩而已 序云召伯聽訟也以 召伯所說爾雅注作稅側界切益調稅駕之所 扞格於丈 宜陽縣大抵古賢名蹟爭相引重地志之訛不足置辨吾所 詩雖 女傳申人女作申國在南陽宛縣是亦豫州詩也劉傳本 下皆南國詩與召公無與如舊說何以教行於女子而反 行露五則 難盡信亦不盡出於鑒空 詩而牵合數詩小序通病竊謂行 陝州府署西南隅括地志召伯 露

當若此其貞孔疏乃云禁嚴於女法緩於男故女旣貞信而為房中歌曲故取此二詩見雖遇强暴之男而女子自守尚行露野屬視漢廣之男女知禮其風變矣編詩之意以二南 男猶 詩三百篇五言者少文心雕龍云召南行露始肇半章余謂 詩美大夫向無異論鄭箋以退食為減膳則泥序所云節/ 而失之安成劉氏日猶周南之有冤置也 體訊變而語皆巧當屬康昭以後之作野醫亦然 義當屬比 浥行露露疑路字之訛調行多露與也雀角穿屋鼠牙穿 强暴亦為不善說經者矣 羔羊二則

英裘有紃或五或三皆約略而言之 諸侯就館終南詩傳又云美召公何異白晝譚夢 殷寓為草蟲之屬猶汝墳為卷耳之屬詩說以為武王克商 無考戴侗云疑皆絲之量數嚴緝補傳曰合五羊之皮為 胡 **亦主節儉此嚴說所本弟觀鄭風三英粲兮則戴說為優益** 以地者有兼物與時與地者有有因者有不必有因者無時 循其合處以素絲為英餘也按百里奚稱五段大夫其義 新安日縫之突兀調蛇有界限調減合二為一 則亦無定在矣六義中惟與難言有以物者有以時者有 解以當之有定在與人之無定在山陽山側山下統而 殷其二則 | 内内書 | 円水を含す 謂總五義 觀

戴 Ξ 奥 遲歸有數女子之情聖王弗之 其為與是乃深於與者 有全篇皆興如卷耳甘棠之屬者夫意有難言言有難盡 詩獨存自調加 關矣 鍾樂之上雪山王氏詩總聞云賦比與三詩皆亡風雅 空 **岷隱續紀云女父擇婿之** 地 結撰或假借以轉折收繳使人讀之似比似賦而 而不必有因者殷臨是也 小序男女及時强 標 有梅三 眼豫 安重海學家事 則 功 三十年吾不 何心而急皇如是 也六朝人惟 欲比 詩姚 禁 而同 有與於始 知 承菴疑問 也 さ 然 其鑽研者何義也 劉勰深知照義其論詩 何居 以視桃 者有於中於末者 服膺是說余調 甚 天抑亦風 不 覺

幽晋獻之禍使女御聞之亦知才色不足恃義命所當安而 深數周孔聖人以六爻括盡古今婦德女行讀二南者亦當 昭儀殺女之毒與侯夫人自縊之思可以積漸消融矣 房方:車之羞使天子諸侯聞之則知嬖寵不可並嫡而無周 二詩與櫻木螽斯相對而江汜則愈降矣思當讀易歸妹卦 採於梁荆也 釋梅為佛可知關中無梅漢修上林苑乃移植焉而此詩固 此而識編詩之意 梅 星一詩有三益焉使后夫人聞之則知思宜下逮可免專 雖日與體然觀泰風終南何有有係有梅幾疏据爾 小星江有汜共八則 雅

寧都魏際瑞詩經原本極論切韻謂昂之叶弱未知所据 抱食與獨箋以獨為狀帳得之孔疏詳引內則註中五日進 方喝正月在東方見不一時詩人亦約畧言之無定屬也 於留言留不言昴是詩人本用留字而漢人書為昂也 承梁之空故界一名大梁而後人又改稱昴史記律書 留是也余謂星名古皆象形參象旗畢象魚义界象留留以 傳參伐也界留也孔疏引元命苞界之為言語言物成就祭 登高能賦之才乃甘為此巾帼語 御之序文雖煩碎義猶不失章俊鄉調使臣勤勞之詩豈以 三五在東毛傳云三心五喝喝即桥也据鄭後心三月在東 言江源者祗播禹貢岷山導江為說江陰徐霞客云河源星 耶 北

境為說甚詳令載江隂縣志 為金沙江而不知下流之出叙為江源也霞客親歷崑崙南 蠻獠溪洞間世人從未問津故舍遠而宗近寔則岷之入 朱子謂江氾即今夏口而余從李氏說以為詩採於深州者 **湖烏棠而不知上流之由雲南麗江志雲南麗江者祇知** 循渭之入河不可指為江源令志叙州者祇知其水出於! 州大江與岷山之江合岷山經成都至叙不及千里金沙江 麗江雲南烏蒙至叙萬餘里岷山舟楫所通金沙江盤 海在崑崙之北江源犁牛石在崑崙之南佛書謂之苑 流經石門關始東折而入麗江為金沙江又北曲為叙 不正十二十五年 是一人人在日 為汜小洲日渚岷江由成都府茂州 - C. C.

次章以三語與一語其體甚變末章意則貞而語近指吾故 疑為康昭以後之詩 若無美勝之說吾將疑為若蘭之廻文連波之悔過小序 引禹貢岷山導江東別為沱水經注江水又東別為沱開 特賴篇中之子歸句耳 疏皆以為女子自作遂使懷春如王無字可通試觀古辭 所鑿也許當指梁州之沱而言 州則梁州之域其為记為者者多矣爾雅江為定郭璞注 流 秦後人指可假作不必羅敷自道其貌美而操潔也 經灌縣又東北流經重慶夔州府界乃入湖廣荆 野有死傷二 則

曾莊主婚以桓王之妹嫁齊襄周人傷之而作是詩按齊襄 非是又云二南不徒西周之詩東周亦與焉其說固是然以 支離 鄭箴膏育云齊侯嫁女以其母王姬始嫁之車遠送之說尤 侯皆惑於東周無雅并無正風之說而强為之辭 之子孔疏謂平王猶書之稱寧王後人并以齊侯為齊一之 會詩說云齊裹殺魯桓莊王將平之使榮叔錫桓公命因使 **有鳥獸之行王姬亦不終歲而卒其詩爲得列於二南** 索云剌詩也謂王姬徒有容色之盛而無肅雍之德其說 說尤多毛傳訓平為正以為武王女文王孫適齊侯 何彼禮矣九則

為房中歌曲更無遺 聲音節奏近於鵲巢曷不肅雖尤能揭婦道之要則以是詩 獨調齊侯之子桓公小白也春秋莊十 所以夫婦交美也而 王姬謚共與肅雖之義甚合且齊風終 時桓公霸業已成傳云齊侯來逆共姬則不失親迎之禮詩 於諸兒刺惡也繁桓詩於二南褒美也魯史既齊僖於須 王魯齊以二南相配 公實能膺方伯之任 侯之子為諸兒則 周不惟有雅無且 別屬則題為召南者更無因矣 有南賴此一詩可破漢儒曲說奈何 而繁諸召南之末似有微意存焉 仍非也 欲斥甘常野屬及此詩愚謂統觀三百 年王姬歸於齊其

唐棣桃李釣緡皆與之似比者 宏嘗者漢舊儀范華禮儀與服志多採其說 東方朔所云鴨牙以屬一物而形狀則言之互異明宣德四 序云仁如騶虞則王道成毛傳騶虞義獸也白虎黑文不食 射義關處者樂官備也魯詩傳齊詩章句韓詩說儀禮注莫 聯者天子之囿也虞者囿之司獸者也賈誼新書云爾小戴 **猶執婦道以成庸雖之德立文甚批而可信為衛宏手筆益** 有易者朱子詩序辨 中亦存是說終不及毛義為長 生物有至信之德則應之與海內北經林氏之騶吾滑稽傳 云雖則王姬亦下嫁於諸侯車服不緊其夫下王后一 駒虞五則 一日による中国一人でなり

樂記武王散軍郊射左射狸首右射夥 嘗不見禽獸之多而仁心之至不忍盡 殺更與下文 騶虞關 **壹發五豝毛傳虞人翼五豝以待公之** 韻虞麻本通 成王用以為射節耳末句與麟趾同調 照較勝集傳所引中必叠雙 子成王因先王之樂命曰騶虞二 人也言文王田獵雖騶從虞人之賤皆 有仁心故歎美之夫 瑞獸斯足數美也豈所施於賤官耶 知漢儒中未有如毛公之博核者 州獲二 **騶虞獻之朝今觀夏原古賦序一** 何必牛霞五紅一字兩叶 一說皆 未可從葢文王時詩 戴氏鼠璞曰騶處二 發亦本賈傳此解未 **廣字與嗟字相應古** 虞而貫革之射息 與毛傳合

讀二南而仍不免牆面則奈何陸子曰是尚不可泥詩求况 序說耶周南十一篇舍兎罝麟趾則皆言婦德也召南十四 齊之效馴致治平中和之量可該位育 篇甘棠羔裘騶虞而外亦然然而至聖庭訓所重不越乎此 樂章札豈至魯而後聞哉 益修身刑家自天子至废人與有責焉桃天之女子善學后 從也季子札於二南乃有始基未也勤 **騶虞本文王詩列於野屬彼穠之後疑** 時所歌必汝墳殷雷之屬若關睢鵲巢翳虞諸詩久為燕射 關睢應以麟趾鵲巢應以騶虞好言瑞應亦是漢儒習氣 書二南後 一門一言題可是有一 而不怨云云霜謂 非孔門舊次然而修 其理不與其說自 伽 門

我師也公明儀置欺我哉讀召南又得一 能孝友仁義推行不倦如氾號之兒無常父張公藝之九世 羔裘之大夫未有陽不倡而除能和者士君子終身**隱約** 陸堂詩學卷第一終 乳雞哨不部心翳處之應得乎吾故讀周南得一法爲文王 同居即調麟野心應可也許放之猛獸抓庭並召南家之大 有文王也孟子曰若夫豪傑之士雖無文王循與 必由於兎宜之 and description of the control 賢人善學文王内有尸裔之季女外 一法焉不必篇中皆